



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

9. In aquas lapsa, feliciter reddit.

**urn:nbn:de:hbz:466:1-45653**

## VIII.

Prou. 8.31.

Pindar.  
Hymn. 5. O-  
lympia con.  
Euripides in  
Supplicibus.

Herodotus  
lib. 3. Sabel-  
licus lib. 7.  
Ænead. 2.

Act. 14.21.  
Hebr. 12.6.

## IX.

Matt. 17.26.

Sic ludens in orbe terrarum diuina sapientia, tristia lassis,  
lætaque tristibus permiscat, vt neque miseri desperent, neque fe-  
lices insolecant, &c., contra Pindari præceptum, Dij esse velint.  
*τῶν δὲ οὐ βέστοις*

*γὰν ἐστιν οὐδὲν Διάτελες οὐδαμονεῖν.**Siquidem uniuersis rebus in mortalium**Nil continenter & undecunq; prosperum est.*

Nam et si celestes omnia possunt, tamen fallit illud proverbiū:  
semper feliciter cadunt Iouis taxilli. Quanquam enim ita Deus qui-  
busdam fauet, vt vel inuitos beare velle videatur, tamen neque  
tunc est insoleendum. De Polycrate Samiorum tyranno prodi-  
tur, (quod & Nazianzenus versibus complexus est) cum summa  
frueretur felicitate, admonitum ab Amasi Ägyptiorum rege, vt  
aliquo saltem, quamvis leui incommodo, tantam interrumpere  
fortunæ tranquillitatem. Annulum ergo in mare proiecit, quem  
habebat charissimum, eiisque iactura vehementer dolere videba-  
tur. Paulò post pescator quidam captū piscem Polycrati dono ob-  
tulit, quo exenterato, ille idem annulus in visceribus repertus est,  
quem Polycrates abiecerat, quasi non posset esse infortunatus. Sed  
nec illud ipsum quidem bonum omen fuit. Quare ibi tunc Amasis  
Polycrati amicitia renunciasse dicitur, cum aperte deprehenderet,  
fortunam, ad grauiores casus, eum reseruare. Nec defuit euentus.  
Ab Oroete enim Darij regis præfecto, in summo Mycalensis montis  
iugo, cruci affixus est. Eò nempe vsq; Fortuna illum extulit, quæ  
à Comicis initij orsa, in fine paratragœdiatur. *Fronti nulla fides.* Si  
venit, residente vultu, cogita, cum furore abituram. Si cum alijs  
ſæua est, tibi parcit; suspectam habe clementiam: nam moræ vſu-  
ram exiget. Est ſæpe fauor Dei, mala euadere. Maius tamen diui-  
ni amoris indicium est tribulatio, quam prosperitas. *Quoniam per*  
*multas tribulationes oportet nos intrare in regnum Dei.* Vnde, quem  
diligit Dominus, caſtigat.

Non tamen ita semper caſtigat, vt nullis lassis eiusmodi  
euentis exhibaret. Qua de cauſa S. Benno clauem in aquas proie-  
ctam, à pifce; S. Franciscus Xauerius Crucem in mare prolapsam,  
à cancro recepit. Quæ talia, sine Numine, non fieri ostendit il-  
lud, quod Christus Pētro dixit: *Vade ad mare, & mitte hamum: &*  
*eum pifcem, qui primus ascenderit, tolle; & aperto ore eius, inuenies*  
*ſtaterem,* Scius ergo Christus & ſtaterem in ore pifcis; & pifcem  
eum

etum primum ascensurum; & fecit, ut primus ascenderet; & fortasse statuerem in ore piscis solo verbo formauit. Illius ergo, non Fortune, fauore hæc talia accidunt, ad iuuandos homines, in tempore opportuno, aut consolandos; si quidem ipsi fauorem non repudient, aut in odium conuertant benefactoris; vel Fortune bona munus non sinant ab alijs eueri.

Omnem admirationem superat, quod S. Adamannus Scotus, de S. Columba itidem Scoto, qui circa annum Domini 565. floruit, simplici, sed veraci stilo commemorat. Ad S. Columbam Presbyterum, in Scotia versantem, aliquando venit plebeius homo, eius regionis incola, quæ stagno Aporico est adfita, extrema egestate pressus. Quippe qui neque se amplius, præ inopia, ne dum vxorem ac liberos, poterat sustentare. Miseratione tactus Columba, pauperum pater, I, inquit, contum tibi, in vicina silua, succidito, & actutum ad me afferto. Paret ille, & fustem bene magnum robustumque festinatò apportat. Sanctoque viro porrigit. Eum ille cultro inspicat, manu benedicit, atq; præcantibus verbis sacrat. Sic præparatum pauperculo, eleemosynæ nomine, reddit, cum dicto: Hoc veru diligenter asserua, quod neque homini, neque pecori damnosum fore, scito. Porro, pro nassa, pro hamo, pro fuscina erit; nam feras, bestiásque aquatiles & volatiles, & silvestres, esui idoneas tibi figet capiētque ad satietatem. Neque deerit tibi familiæque tuæ esca, quām diu sudes tibi hæc non derit. Quid mendico tunc lætius fuit beatiusue? Non poterat secapere, præ lætitia, ex Codro Crœsus repente factus. Currit lætus domum, non iam baculum, sed virgam diuinam secum afferens, vxorique opes suas exultabundus ostendit. Mox in siluam abit, atque loco ab omnibus vijs remoto in terram defigit, eaque nocte, ita depactum veru relinquit. Die reuecto, spe ardens, ad eundem locum recurrit, & indutū eo mira magnitudinis ceruum reperit, assatum iam vtique, nisi ignis defuisse. Ad hunc modum, singulis noctibus aut diebus, prædam inuenit conto harentem, iam ceruum, iam aprum, iam damam, iam aliam feram culinæ matutram. Neque verò ferinis carnibus suam tantum familiam, sed totam etiam viciniam abundè satiauit; cui, quod propriæ necessitati superfuerat, haud exiguo lucro, vendidit. Multi mortales non sunt suæ felicitatis patientes; sed, cum illis bellè est, Fortune ianuam obstruunt, non, ne exeat, sed ne intret. Quamobrem &

X.  
S. Adaman.  
Scot. l. 2. de  
vita S. Co-  
lumbæ. c. 24.  
Et Henric.  
Canisius tō.  
5. Antiq.  
Lect.

Ii 3 huius-